

# تَبْرَاتْ تِيسَ كُرَاطَنْ يُوحنَّا

1

<sup>١</sup> غْ دَارْ أُوفَقِيرْ يُوحنَّا، إِكْمَانْتَخْ غَالِيُوسْ لَيْ دَارْتَخْ إِعْزَانْ سْ لَحَقْ.

<sup>٢</sup> أَرْتَرْجُوخْ أَكْمَا إِعْزَانْ أَتَتْجَهْتْ غْ كُرَيْگَاتْ تَغْوِسَا، تَجِيَتْ غْ صَاحْتْ نُكْ غَمْكُلَّي تَجِيَتْ أَلَا غْ رُوحْ نُكْ. <sup>٣</sup> هَانْ فَرْخَنْ بَهْرَا لِيغْدْ أَشْكَانْ كُرَانْ وَيَتْمَانْ أَرْفَلَاكْ أَكَانْ تُوكَّا فْ لَحَقْ لَيْ كِيكْ إِلَانْ، دْ غَمْكُلَّي تَسْكَارْتْ سْ لَحَقْ. <sup>٤</sup> أُورْ سُولْ دَرِي كُرَانْ لَفْرَخْ يُوكِرْنْ غُواَدْ: أَتْ إِكَانْ دْ إِغْ أَسْقَلِيدَخْ فْ تَرْوَا نُو إِسْ أَسْكَارْنْ سْ لَحَقْ.

<sup>٥</sup> هَانْ أَكْمَا إِعْزَانْ، نُسَنْ إِسْ أَنْ تُكَّاتْ صَاحْتْ سْ وَفُولَكِي لَيْ تَسْكَارْتْ غْ أَيْتْمَانْ أَلَا إِبْرَانِينْ، <sup>٦</sup> نَنْتِي فَكَانْ فَلَاكْ تُوكَّا غْ لُكْدَامْ نْ لُكْنِيسَا فْ تَايِرِي نُكْ. إِفُولَكِي كِيكْ إِغْ أَسْنْ تَقْكِيتْ أَيْنَا فْ لُكْمَنْ غْ أَمُودُو نُسَنْ سْ غَمْكُلَّي يِرْضَا رَبِّي، <sup>٧</sup> أَشْكُو إِسْمْ نْ لَمَسِيَحْ أَفْنْ فُوغْنْ، أُورَا تَامْزَنْ يَاتْ دَارْ وَلَيْ أُورْ كِينْ إِمُومَنْ. <sup>٨</sup> نَكِني إِلَا فَلَاخْ أَسْمَرْحَبَا سْ زُونْدْ غَوِيدْ، فْ أَدِيدَسْنْ نَمَشَرَكْ تَوْرِي نْ لَحَقْ.

<sup>٩</sup> أُورِيَخْ إِلْكَنِيسَا، وَلَائِنِي دِيُوتْرِيفِسْ لَيْ يِتْتِيرِينْ أَيْكْ أَمْزُورُو غْ كَرَاتْسَنْ يُوكِي أَدَاخْ إِسْقَلِيدْ. <sup>١٠</sup> إِغْنَ أَشْكِيَخْ رَادْ أَسْدْ سِيْكَتَايْخْ أَيلِي يِسْكَارْ، دْ مَمْنَكْ أَسْ إِسْكَرْكِيسْ أَرَاخْ يَادَرْ سْ كَارْ. أُورْدَ مِيَادْ كَا، وَلَائِنِي حَتَّا أَيْتْمَانْ أُورَا سِرْسَنْ إِسْمَرْحَبَا، أَلَا أَرْ إِتَّجَا وَلَيْ رَاسِرْسَنْ إِسْمَرْحَبَا، أَرْتَنْ إِطَايْ غْ لُكْنِيسَا. <sup>١١</sup> أَدْ أُورْ تَضْقُورْتْ كَارْ أَكْمَا إِعْزَانْ، وَلَائِنِي ضَقُورْ مَأْيَعْدَلْنْ، أَشْكُو يَانْ إِسْكَارْنْ مَأْيَعْدَلْنْ وَبِنْ رَبِّي أَيْكَا. وَنَا إِسْكَارْنْ كَارْ أُورْ إِسْنْ رَبِّي.

<sup>١٢</sup> دِيمَتْرِيوسْ أَرْ كُلُو فَلَاسْ أَكَانْ تُوكَّا سْ مَأْيَعْدَلْنْ أَرْتَنْتْ فَلَاسْ يَكَا لَحَقْ سْ إِخْ نُسْ، أَرْتَنْتْ فَلَاسْ نَكَا أَلَا نَكِني، كُنِي تَسْنِمْ إِسْ صَحَانْتْ تُوكَّا نَخْ. <sup>١٣</sup> إِلَا دَرِي كِيكَانْ نْ مَادَاوْنْ تَتِيخْ، وَلَائِنِي أُورِيَخْ أَدْ أَكْتِينْ أَرَاخْ سْ صَمْحْ دْ لَقْمْ.

<sup>١٤</sup> وَلَائِنِي إِويَخْ رَجَا سْ أَكْ ثَرْخْ غْ مَانْ أُورْ يَكُوْكْنْ أَيْلَمُقُورْ أُودْمِ إِنُو دْ وِينْكْ نَگَاوْرْ إِلْمَا نَجْمَعا. <sup>١٥</sup> أَدِيدَكْ لِي لَهْنَا. أَرْفَلَاكْ تَسْلَامْنْ وَيَتْمَانْ عَرَّانِينْ: سَلَمْ فْ أَيْتْمَانْتَخْ عَزَّانِينْ كُرَيْگَاتْ يَانْ سْ إِسْمْ نُسْ.